

Lisubuciko Lekulwa Nenkohlakalo (i-NACS)

Luhlelo Lwekutfutukisa Lwavelonkhe: Umbononchanti wanga-2030 ulindzele ummango lote inkohlakalo, kutinikela kumihambo lefanele emmangweni nakuhulumende lotiphendvulelako kubantu bakhe.

I-NACS, yavunywa yiKhabhinethi mhla ti-18 Lweti 2020, iniketa luhlakamsebenti nelisu lekusebenta leNingizimu Afrika futsi ihlose kwakha ummango lapho khona:

- tinchubo tabohulumende tekulawula nekutsenga tignina imitsetfo yekulandzelela, kutiphendvulela nekubeka tintfo ebaleni;
- sive sifundziswa mayelana nalokuyinkohlakalo siphindze futsi sihlonyiswe kute kutsi sikwati kubukana nenkohlakalo nayenteka noma lapho yenteka khona;
- sive netinhlambakhosi tikhutsatwa kubika inkohlakalo, futsi tiyasekelwa tiphindze futsi tivikelwe ngalokwenele natenta njalo;
- basebenti bahulumende bentiwa kutsi batiphendvulele mayelana nekweswelakala kwetinsita;
- umkhakha wetemabhezini netinhlango temmango tisebenta ngendlela yekuchutjwa bugugu futsi wentiwa kutsi uphendvule mayelana netento tenkohlakalo; futsi
- kunelisiko lekungayibeketeli nakancane inkohlakalo nanoma ngukumuphi umkhakha nekutiphendvulela ngalokuphelele kwalabo lababandzakanyeka enkhohlakalweni.

I-NACS imiselwe emgomeni wekutsi kufanele kutsi kuvinjwe inkohlakalo ngekwegamela ngalokufanele, ngekungafihli lutfu, ngekulawula sitfunti kanye nekutiphendvulela kwemmango, kanye nekusheshe kubonwe tento tenkohlakalo letingenteka kute kutsi kugcwaliselwe tinyatselo tekuphendvula letitsatfwa ngema-ejensi etekucinisekiswa kwemtsetfo naleminywe imitimba lelwa nenkohlakalo. Ummango wonkhe nendlela lehlanganisile yekulwa nenkohlakalo kutawusita kunciphisa bungoti bemakhomishini eluphenyo labitako, luphenyo lwetesayensi kanye naletinye tinchubo tetemtsetfo.

Letinsika letisitfupha telisubuciko letilandzelako tenta tincenye letibalulekile talelisubuciko:

InsiKa	Tinhlalo tekufezekisa*
1. Kuhlanguyela kwetakhmuti: Kukhutsata nekugcugcutela takhamuti letisebenta ngekutikhandla, kuhaba umkhosi, sitfunti nekwenza tintfo ngekungafihli lutfu kuto tonkhe tinhlango titemmango.	<p>A. Kwesekela kusebenta kwetakhmuti ngekutikhandla nekukhutsata imitamano yekufundzisa kabusha ngemagugu kuvikela nekulwa nenkohlakalo.</p> <p>B. Kuvikela nekwesekela tinhlambakhosi nekuhlomisa ngemitfombolusito tinchubo tekuhlaba umkhosi.</p> <p>C. Kwenta kancono kulawulwa kwesitfunti nekucinisekisa kutinikela kutindlela tekutiphatsa ngenkhambo lefanele.</p> <p>D. Kukhuphula nekucinisa kwenta tintfo ngekungafihli lutfu kuyo yonkhe imikhakha.</p>
2. Kutiphatsa ngekwebungcweti: Kutfutukisa kusebenta ngekwebungcweti kwabo bonkhe basebenti kuyo yonkhe imikhakha kutsi batfutukise ligalelo labo kute kutsi bente tindzawo tekusebenta letite inkohlakalo.	<p>A. Kwenta umkhakha wahulumende ube webungcweti nekwakha umbuso lokhonako.</p> <p>B. Kwenta kancono likhono nesitfunti sebungcweti lesisime kumitamo yekulwa nenkohlakalo.</p>

3. Kwengamela ngekwenkhambo lefanele nokulawula umsebenti wekwengamela nemiphumela: Kwenta kancono kwengamela, kulawula umsebenti wekwengamela nemiphumela etinhlanganweni.	<p>A. Kwenta kancono buholi benkhambo lefanele kuyo yonkhe imikhakha.</p> <p>B. Kucinisekisa emakhono emsebenti wekwengamela nekwegamela emkhakheni wahulumende.</p> <p>C. Kucinisekisa tinkhambo letifanele nesitfunti kuyo yonkhe imikhakha.</p> <p>D. Kucinisa kutiphendvulela nekulawula luhlelo etinhlanganweni kuyo yonkhe imikhakha.</p>
4. Inchubo yekutsenga letsembekile nalengafihli lutfu: Kwenta kancono sitfunti nekwebungcweti kwenchubo yekutsenga yahulumende.	<p>A. Kwenta kancono umsebenti wekwengamela nekucucinisekisa ekutsengweni kwemphahla yahulumende.</p> <p>B. Kwenta kancono kungafihli lutfu kanye nekulawula imininingwane ekutsengeni kwahulumende.</p> <p>C. Kwesekela bungcweti kutekulawula Inchubo Yekutsenga.</p>
5. Ema-ejensi lanemandla lalwa nenkohlakalo: Acinisa kutfolakala, kuchumanisa, kusebentisana kwavelonkhe nemave emhlaba, kusebenta, kutiphendvulela kanye nekutimela kwema-ejensi latinikele lalwa nenkohlakalo.	<p>A. Acinisa budlelwane beNingizimu Afrika nekubambisana kwavelonkhe nalamanye emave emhlaba ekulweni nenkohlakalo.</p> <p>B. Asungula umtimba wekuchumanisa tekulwa nenkohlakalo kutsi uchumanise yonkhe imisebenti yekulwa nenkohlakalo.</p> <p>C. Kuhlomisa ema-ejensi etekulwa nenkohlakalo ngekucinisekisa emakhono awo, kucesha nekwenza indlelancho ibe yesimanye kanye nemitfombolusito yekusita bantfu kwentela kucinisekiswa kulandzelwa kwemtsetfo lokwentiwe kancono.</p> <p>D. Kugadza kutimela kwema-ejensi lamakhulu ekulwa nenkohlakalo lanemsebenti wekuphenya nekushushisa inkohlakalo.</p>
6. Kuvikelwa kwemikhakha lehlaseleka kalula: Kuvikela imikhakha lehlaseleka kalula lengabanjwa yinkohlakalo netinchubo letingasito tenkhambo lelungile letinekulawulwa kwebungoti lokusebentako.	<p>A. Kwenta lucwaningo emkhakheni wahulumende nalotimele lohlaselwa yinkohlakalo kalula.</p> <p>B. Kufezekisa tingenelelo lekuloswe ngato kunciphisa bungoti benkohlakalo nekukhutsata kulawulwa kwesitfunti emikhakheni lehlaseleka kalula.</p> <p>C. Kuchuba umsebenti wekulandzelela, kuhlola kanye nekubuyeketa tingenelelo lekuloswe ngato kulawula bungoti emikhakheni lehlaseleka kalula.</p>

I-NACS yenta siphakamiso semalungiselelo esikhungo ekubuyeketwa kwekulwa nenkohlakalo kutsi angeniswe ngetigaba letimbili.

Sigaba se-1: Kufezekiswa kwelisubuciko lasekucaleni lesikhashana, kufaka ekhatsi lucwaningo, kutfutukiswa kwemcondvo kanye nekubhalwa kweluhlaka lwesihlongoto lolucondziswe kuKhabhinethi mayelana nekusungulwa kwemtimba lomkhulu kutawentiwa yibhodi yesikhashana yemikhakhaminyenti, lebitwa ngekutsi nguMkhandlu Wavelonkhe Wetekweluleka Wekulwa Nenkohlakalo (i-NACAC). Lomtimba utawenta umsebenti wawo ngekukhulumisana nemakomidi etindvuna lafanele, emaklata kanye nebalngani betenhlalo. I-NACS iphakamisa kutsi i-NACAC ifanele isungulwe nguMengameli

iphindze futsi isebente sikhatsi lesikhulu lesingaba yiminyaka lemibili noma ibhidlitwe masinyane-nje kungasungulwa umtimba walomphelo.

Sigaba se-2: Kusungulwa kwentimba lomkhulu lotimele wetemtsetfo/wemtsetfosisekelo wembuso lojulile lotawubika ePhalamende, futsi lomiselwe kumodeli yekusebenta lehlanganisile, lenetihlangotsinyenti lebambisane nemikhakha yonkhe, lehambisana nayo yonkhe indlela yahlumende walelive nemmango yekulwa nenkhohlakalo. Ufanele kutsi wetsiwe ligama lelifanele lelisukela kutiphakamiso te-NACAC netincumo tekugcina tetiphatsimandla letifanele. Kulindzelwe kutsi lomtimba walomphelo, emkhatsini waletinye tintfo, uchube kusetjentiswa kwelisibuciko lesikhatsi lesidze nato tonkhe tinhlelo lethambisana nalo.

Umsebenzi sewuvele uyentiwa ngekwemibandzela yekufezekisa ye-NACS njengemsebenzi wamanje wekuphenya lowentiwa Sikhungo i-*Fusion Centre* ngaphasi kwemusa weLicembu Lekulwa Nenkhohlakalo lelinema-ejensi lamanyenti, kufezekiswa kwemsebenzi lochubekako lowentiwa yimitimba yekulwa nenkhohlakalo, umsebenzi wekunciphisa inkohlakalo lochumene nemijovo yekugoma ye-*COVID-19*, kanye nemalungiselelo esikhashana e-NACS lalawulwa ngekwemisebenzi Licembu Lekutsatsisa Le-NACS neLikomidi Le-NACS lelihora Embili.

Lwatiso lolubanti mayelana ne-NACS nalamanye emadokhumenti lafanele ayatfolakala ku:www.gov.za/AntiCorruption



Anti-corruption toll-free line 0800 701 701